

**Eianperakua lámintu Kótsikueecheeri éнка arhijka jurhimpekueecha ampe ireta
p'orhepecheecheeri**

**Kurhankukua intsínhani lámintu Tánkurhikua jimpo, 13 septiembri kutsí jimpo 2007
uéxurhini anapu**

lámintu Tánkurhikua,

chúnkumani ma k'éri jimpo uéenakua karakata lámintu kótsikueecharhu ka sési jakankuni úkua ampe éнка imeecha kótsikueecha eianperant'ani imani k'éri karakatani,

uantani éskaksí ireta p'urhepecheecha mák'u jásiisti éska mátaru ireteecha ka mítiant'ani lámintu ireteecheeri jurhimpikuani méntaruni jarhastiksí ka ísí imeecha méntaruni arhíkurhisinti ka janhánharhinhani éska imeecha,

uantaparint'u éska lámintu ireteecha jurheparhasinti mámaru ampe ka jatsikurhikua lámintu p'urhepecheecheeri ka mimíxikueecha éнка lámintu k'uirípuicheerijka,

uantaparint'u éska lámintu jorhenkurhikua, k'éri kúnkurhikua ka ima úni éнка k'érikuarhu jaká, imá ireteecharhu ka k'uiripuicha kuájpiini nanimaka imeecha anapuekaksí k'éri kótsikuarhu mámaru jarhoakua, jakajkukua, p'urhepecheeri mimíxikua mámaru arhíjpitiicha, uantakuarhu no ísiisti juramukuarhu, no jinteesti k'uiripui, no sési jarhásti ka jurhimpikuarhu no mak'uisinti,

uantaparint'aparini éska ima jurhímpikua úkua ima ireta p'urhepecheeri no ne ma pínkuant'aati ka no ne ma no sési uantaati imeechani,

uantanhiaxati éнка ireta p'urhepecheecha no sési kánhasinti ia ióntki ísí ima jimpo ka mátaru ampe, euakurhikua pírhitiicha juchaari jánkua ampe ka echeriichani ka kánkurhikua ampe, ka imani jimpo no úsinti jurhimpikuechani k'uiripikurhini ka jeiapanhint'ani nanimaka imeecha uékajka,

mítisti éska uétarhisinti janhanharhini ka uantant'ani juchaari jurhimpikua ampe imeeri ireta p'urhepecheeri nanimaka imeecha juramukuaksí jatsijka ka kúnkurhikuarhu ka imeecheeri mimíxikueecha ka imeecheeri jakajkukueeri p'intekueecha, imeecheeri uantakua túa anapu ka imeecheeri sési eratsikua, imeecheeri jurhimpikua echeriichani, ka ampemaka ampe jukajka,

mítisti éska uétarhijka janhánharhini ka uantant'ani ireta p'urhepecheeri jurhímpikueechani uantakata karakatarhu ka mátaru pakarakuarhu éнка mák'ueri jaka k'éri kótsikuarhu jinkoni,

uantasinti éska ámintu ireta p'urhepecheecha kúnkurhint'ani ka uantant'ani tánkurhinskua tumina ampeeri, k'uiripui ampe ka mimíxikua ka k'amarhukuni lámintu ampe énkaksí no exenchaka ka éнка p'ikuarirani nani uéjkini úkurhiaka,

uékani ia éska p'urhepecheeri juramukua úkurhiaka ampe ka imeechani pátamani ka imeecheeri echeriichani nanimaka jamperi imeecheeri ka echeri ka ampemaka jukajka imani jimpo úatiksí ka uinhaparhant'ani imeecheeri káskua ampe, mimíxikueecha ka p'intekueecha ka uantant'ani imeeri k'uirípuicha nanimaka ampe imeecha uékaaka ka uétarhixaka,

exeparini inte janhanharhikua mítikueeri, mimíxikueeri, p'intekueeri ka úkueeri p'urhepecheechani jarhoatasinti jánkurhint'ani sési úni ampe ka lámintuicha ka sési jarhani lámintu ampe ixu parhakpinirhu,

xarhataparini éska imani uéenaaka kéntitaani echeri kuáriichani ka iámintu echeri p'urhepecheecheeri para imaksi sési jarhani ka úni k'uiripini tumina jinkoni ka jurhímpikua jinkoni ka sési kurhánkunt'ani mátaru kótsikueecha anapu jinkoni ka mátaru p'urhépecheechani jinkóni ixu parhakpinirhu,

mítint'ani imeecheeri jurhímpikua tempunskuarhiichani ka p'urhepecheeri ireteecheeri chúnkumani imani arhunt'ani úkua ampe para k'uiriperani ka káskukua ka arhistakuni para sési jarhani iámintu sapirhatiicha ka exeani jurhímpikueechani iámintu sapirhatiicha,

exéparini imáni jurhimbikuani uantakateecha ka pakarateecha, ka mátaru uantakata ampe úkata, ixu k'éri kótsikua jingoni, imá jinteestiksi méni énka uantanhiaka ampe jirínhani ampe para úkua ampe ixu parhakpini jingóni, jatsini uenajpikua iámintu kótsikueechani jingoni,

exéparint'u imani pakarakateechani jingoni uantakateecha ka mátaru pakarateecha úkateecha ka imani ampe énka i uantajkaksi i marhoataati para íni uinhaparhan kúnkurhikua ireta p'urhepecheecha ka k'éri kótsikueecha,

mítint'ani inteni karakata iámintu kótsikueecheeri, inte uantakua iámintu kótsikueechani jurhimpikua tumineeri, ka k'uirípuiri ka mimíxikueeri ka inte káskukua Viena sési uantaxini éska jukaparhaska inte jurhimpikua iámintu ireteecheeri nanimaka uékaaka arhikurhini, ka inteecha nanimaka uékaaka tánkurini ka jirínhani jantiaku inteeri jurhimpikua tumineeri ka k'uirípuiri ka mimíxikua.

mítiparini éska no ma jauaka jimini uantakuarhu énka úaka mrhoatani para no uékan no ma iretani ka inteni jurhimpikua nanimaka na uékaaka arhikurhini, sési pakaraxatiksi inteni jurhimpikuani jingoni iámintu kótsikuani jingoni,

uékani ia éska mítinhant'aaka ia inte jurhimpikua ireta p'urhepecheeri iási uantantskua jurhetati inteni sési kúnkurhikuani jingóni ka jurheparhani iámintu kótsikueechani jingoni ka ireta p'urhepecha, exeparini inteni juramukuani uénaaka ka erakuni inte janhanharhikua inteni jurhimpikueecha k'uirípuiri ka inte no sési exéparhakua ka sési jakajkukua,

jurhetani iámintu kótsikueechani éskaksi úaka iámintu imeeri úka ampe imeecheeri ireta p'urhepecheeri énka mámaru jási karakateechani chúnkumaka iámintu kótsikueecha sánteru imeecheeri énka jurhimpikua k'uirípuicheeri ka kurhánkurhini ka jurhetani imani ireteechani jingoni,

arhixati éska imeecha úaka k'éri kótsikueecha uétarhini ka chúnkumani iámintu ka kuájpini inteni jurhímpikueecha ireta p'urhepecheeri,

kurhankunt'ani íni uantakatani úsinti jimpanhi ampe énka uétarhini ka mítinhant'ani ka eianpini ka kuájpini inte jurhimpikueecha ka inte ireta p'urhepecheecha jánkuraakua ka inte jurhimpikua ka úkua inte kótsikueecheeri ixu parhakpinirhu,

mítint'ani ka eiankunt'ani éska k'uiripu p'urhepecha jurhimpikua jatsistiksi ka no ne ma no sési exeni iámintu jurhímpikueecha k'uirípuiri énka mítikata jaka inte jurhimpikueecha iámintu kótsikueecharhu ka ireta p'urhepecha jurhimpikua jatsistiksi iamintuicheeri éska uétarhijka ka jauakaksi ka sési jarhani ka k'uiripini mák'u k'éri éska ireta ma,

mítint'aati nanimaka na jaka ireta p'urhepecha méntaru jarhasti kótsikueecha ka k'éri kótsikueecha ka imeecha exeatiksi ka mámaru jási túa anapu p'intekueechani ka mimíxikueecha,

sési kurhakurhini inteni uantakatani inteeri iámintu kótsikueecheeri inteecheeri jurhimpikueecha ireta p'urhepecheeri, ma k'éri eratsika chúnkumani ka jurheparhani ka mák'u jási janhanharhini:

1 Juramukua uaxastakata

P'urhepecheecha jurhimpikua jatsistiksī, na éski ireteecha ka k'uiripuicha, marhoataani iámentu k'uiripuri jurhimpikueechani ka sési exenhani uaxastakata mítiparini Naciones Unidasīiri Karakatani, íni Eiankperakuani ka kótsikueecheeri k'éri juramukua k'uiripuri jurhimpikueecha jimpo.

2 Juramukua uaxastakata

Ireta ka k'uiripu p'urhepecheecha ísīksī mák'u jásiisti na éski iámintu ireta ka k'uiriputeru, ka jurhimpikua jatsistiksī no ne ma pínkuaka ka no ne ma no sési exeani jimpoka p'urhepecheejka, jimak'anksī úni sési marhoataani imeeri jurhimpikueechani.

3 Juramukua uaxastakata

Ireta p'urhepecheecha jurhimpikua jatsistiksī jantiak'usī ka sési pakatperani. Inteni jurhimpikuani jimpoksī sési ka ísī jurhimpikua erakunt'ani éskiksī na uékajka ka jirinant'aniksī sési k'épakurhint'ani.

4 Juramukua uaxastakata

Ireta p'urhepecheecha, jantiak'u pakatperaparini jimpo, jurhimpikua jatsistiksī jantiak'u juramukurhint'ani ampe jimpo énka imeeriijka; ísī na éski úrant'ajka ampe énkaksī jimpo meiamuajka imeeri úkueechani.

5 Juramukua uaxastakata

Ireta p'urhepecheecha jurhimpikua jatsistiksī patsaani ka uinhaperaani imeeri mámaru jási uaxastakueechani, jatsiparint'u imeeri jurhimpikua sési inchaparhakunt'ani áchikurhini K'éri Juramukueeri tsípikuarhu.

6 Juramukua uaxastakata

Iámintu k'uiripu p'urhepecha jurhimpikua jatsisti kótsikua ma anapueni.

7 Juramukua uaxastakata

1. K'uiripu p'urhepecheecha jurhimpikua jatsistiksī tsípikuani, anatakurhikua ka eratsitakua uirhiperakuani, kueratakata jámani ka sési kuáni imeeri anatakurhikuani.

2. Ireta p'urhepecheecha jatsistiksi ireteeri jurhimpikuani kueratakata ka pínantsku jimpo irekaparini éska ireta máteru jási, ka nóksi úatiksi uántikunhani ka máteru ampe mák'u jási no sési kámperakua ampe, ísi éska sapichuichani paani máteru kúnkurhikueechani éka no imeerijka.

8 Juramukua uaxastakata

1. Ireta ka k'uiripu p'urhepecheecha jurhimpikua jatsisti éskiksi turhisíicha nó eratsitajka imeeri ampe ka xerenhant'anksi p'urhepecheeri mimíxikueecha.

2. Kótsikueecha úauatiksi jánkurhikueechani ékasi sési k'uaniraka paraksi no úkurhiaka ka únt'ani ménteru:

a) lámintu ampe éka uékaaka euakurhiani ireta ka k'uiripu p'urhepecheechani únstakueechani ékaksi mítint'ajka éska máteru jási ireteecha o mimíxikua jukaparhakueecha o ireta míntekua ampeechani.

b) lámintu ampe éka uékaaka euakurhiani echeri ampe ka lámintu ampe éka ima atanhijka.

c) lámintu ampe éka uékaaka páni p'urhepecheechani no uékaparini ka éka kepekuaka jurhimpikueechani.

d) lámintu ampe ékaksi materu ampe éka uékaaka jorhentani éka no juchaari eratsitajka.

e) lámintu ampe ékaksi uantakua o exerakua ampe etsakuakaksi paraksi p'urhepecheechani no sési eratsitani.

9 Juramukua uaxastakata

Ireta ka k'uiripu p'urhepecheecha jurhimpikua jatsistiksi jinteeni ireta ma anapu, ísi éska ima sési exejka úkueechani, eratsikueechani ka p'intekueechani. Nóksi no sési exeatiksi jimpoka ima únstaaka imani jurhimpikuani.

10 Juramukua uaxastakata

Ireta p'urhepecheecha nóksi úaka móskuatiksi ékaksi imeecha nóksi uékaaka echerimpeecheeri jarontakurhini. Nóksi niuaka móskuni ékaksi imeecha no sési mítiaka ka ékaksi no orheta sési maiamunt'aakaksi echeriichani jimpo éka imeecha jurájkuaka ka méntku aiankuani ékaksi imeecha úaka kuanhatsint'ani ékasi újkaksi ménteru jimajku irekani.

11 Juramukua uaxastakata

1. Ireta p'urhepecheecha jurhimpikua jatsistiksi ánychitaant'ani ka uinhaperaant'ani imeechani p'intekueechani ka úntskueechani. Kuturant'ani ampe imani jurhimpikuani ékaksi jiataka jatsini, kuájpeani ka kóskaant'ani p'intekueechani ka eratsikueechani ióntki anapuichani, iási anapuichani ka ékaksi tátsikua úkurhiakaksi, kómueski úkueecha ióntki anapuichani, atarakueechani, únharhikueechani, ch'anántakueechani, eratsitakua ánychikurhikueechani, sési ampe exekueechani, pirekueechani ka karakateechani.

2. Kótsikueecha íntskuatiksĩ únstakuani sési jánkurhikueechani jimpo ka ireta p'urhepecha úaka únstani ménteru p'intekueechani ka eratsikueechani ékaksĩ nóteru jiatapka ia páraaksĩ úntsani.

12 Juramukua uaxastakata

1. Ireta p'urhepecheecha jurhimpikua jatsistiksĩ exerani, ch'anatant'ani, iótant'ani ka jorhentpini p'intekueechani ka mimíxekueechani; jatsiani ka kuáani ch'anantakuani ka mimíxekua anapuichani ka úni inchakuni imajkueecha; ánychitani ka patsani imeechani ampe éka uétarhiaka pári ch'anánt'ani ka úni juankuani k'uiripuni éka máteru echeriksĩ uariaka.

2. Kótsikueecha jánkurhiati páraaksĩ ireta p'urhepecha úaka exeani, jirinhant'ani ka juankuani imeechani ampe éka uétarhijka páraaksĩ ch'anantani ka uarhiriichani ékaksĩ jatsiaka máteru iretarhu, juramuntspekueechani jinkoni ékaksĩ sési jurhimpeaka, ékaksĩ sési kurankutajkaksĩ ka ékaksĩ sési marhoauaka, ima juramuntspekueecha mák'u anhatakaksĩ ireta p'urhepecha ékaksĩ marhoakuauaka.

13 Juramukua uaxastakata

1. Ireta p'urhepecheecha jurhimpikua jatsistiksĩ uinhaperani, ánychitani, aiamp'ini iáasĩ anapu ampe, imeeri ióntki anapu ampe ma uantakueechani, p'intekueechani, eratsikueechani, karakateechani ka arhintskueechani, ka jatsiparhakuni arhinhatarakua imeeri ireteecheeni, nanimaka jimpo ka k'uiripuichani ka mák'u jatsini.

2. Kótsikueecha úati imani ampe éska inteecha sési kuánhaka inteecheeri jurhimpikuani ka éska ireta p'urhepecheecha úakaksĩ kurhankunt'ani ka úni kurhankunhant'ani jimini kúnkurhikuarhu jurhukuaecha itsikukuarhu énka imeecha intsínhakaksĩ énka uétarhioka imani ampe ka mátaru uantakuani.

14 Juramukua uaxastakata

1. Ireta p'urhepecheecha jurhimpikua jatsistiksĩ ka sési ampe eratsint'ani jima jorhenkurhikuarhu imeecheeri uantakua jimpo énka uétarhipka mimíxikueecha jorhenpikuarhu jorhenkurhin.

2. K'uiripu p'urhepecheecha ka sapi p'urhepechat'u, jurhimpikua jatsistiksĩ iápurhu ísĩ jorhenkurhikuarhu ka mámaru jásí jorhenkurhini íni kótsikuarhu ka no ísk'u exeni.

3. Kótsikueecha ka ireta p'urhepecheecha úatiksĩ k'uiripuecha ka sapirhatiicha énkaksĩ marutaru ísĩ anapueaka inteecha úati nirani jorhenkurhini, mimíxikua ka imeeri uantakua jimpo.

15 Juramukua uaxastakata

1. Ireta p'urhepecheecha jurhimpikua jatsistiksĩ ka sési jarhani inteecheeri mámaru jásí p'intekueecha, ka uantakua túa anapu ka iámintu jásí jorhenkurhikueecha ka mítpitarakua iámintu k'uiripuicheeri.

2. Kótsikueecha ka ireta p'urhepecheecha tánkurhint'ani ka kurhamarperanksi ka jarhoatperanksi iámintu ireta p'urhepecheecha ka no jireratani inte no sési úkua ampe, ka no ísk'u exenhani, ka tekant'ani, ka kurhankunt'ani ka sési pamperani iámintu ireta p'urhepecheecha ka iápuru k'uiripuicheeri ampe.

16 Juramukua uaxastakata

1. Ireta p'urhepecheecha jurhimpikua jatsistiksi ka uaxastan imeecheeri uantakua jimpo ka úatiksi iámintuicheeri uantakueecha no p'urhepecheecheeri ka no ma ísk'u exenhani.

2. Kótsikueecha xarhataauati p'urhepecheeri uantakueechani ka p'intekueechani. Kótsikueecha no jireratasinti no sési úkua inte jánkurhikua uantakua, inte uantakueecha mátaruicheeri inte éнка no sési úkua mimíxikua p'urhepecheecheeri.

17 Juramukua uaxastakata

1. K'uiripu ka ireta p'urhepecheecha jurhimpikua jatsistiksi sési jarhani iámintu karakata, iámintu jurhimpikueechani ini jurhimpikua áńchikurhikuani ixi kótsikua o mátaru kótsikuarhu.

2. Kótsikueecha, kurhamarhini, jarhoatperani iámintu ireta p'urhepecheechani jinkoni, úatiksi ampe éнка marhoatajka inte sapirhatiicha ka kuájchakuni ka no uénani sapiicha áńchikurhin inte éska sapirhatiicha no úakaksi úni ka no áńchikurhinski inte no sési úkua ampe o imaksi áńchikurhini ka no nirani jorhenkurhini, éнка ima no sési úkuaka ka p'amenchani ampe, isi sapirhatiicha no úńksi jantiak'u kuájpikurhini.

3. K'uiripu p'urhepecheecha jurhimpikua jatsistiksi sési áńchikurhini ka iámintu ka no ne ma no sési exeati.

18 Juramukua uaxastakata

Ireta p'urhepecheecha jurhimpikua jatsistiksi ka tánkurhini ka uantomskurhini ampe ima éнка no sési exejka imeecheeri jurhimpikueecha, í juramutiicha éнка imeecha erakunt'ajka, ka isi sési pámpnerani juramukuarhu inteecha erakusti.

19 Juramukua uaxastakata

Kótsikueecha tánkurhiatiksi ka kurhankurhiatiksi ka isi jarhooperaatiksi sési jakajkukua iámintu ireta p'urhepecheecha inte éńkaksi uékajka ini jimpo juramukueecha ka orhepatiicha ka no ma orheta marhoatani juramuti úkueechani no sési úaka imeecheeri, ka sésikua íńtskuni ka eiankperani.

20 Juramukua uaxastakata

1. Ireta p'urhepecheecha jurhimpikua jatsistiksi pátsani ka sési pámpieni inteni juramutiichani, tumineeri ampe ka k'uiripu ampe, ka sési marhoatani imeecheeri ampeeka sési irekani ka sési

k'uiripini ka iámintuicha sési ánychikurhini ka jánkurhini iámintu úkua ampe tumina ka p'intekua ka mátaru ampe.

2. Ireta p'urhepecheecha énka euakurhinhaka imeecheeri sési nitamakua ka sési úkua jurhimpikua jatsistiksĩ ka sési meiamunhant'ani mák'u jási.

21 Juramukua uaxastakata

1. Ireta p'urhepecheecha jurhimpikua jatsistiksĩ, no méni no sési exenhatiksĩ, imeecheeri sési úkua ampe tumineeri ampe ka k'uiripuri ampe, ka iápuru ísi arhistakuarhu, ánychikurhikuarhu, jorhentperakuarhu, k'umanchikuarhu irekakua, sési p'ikuarherakua ka kuájpurinaskuarhu.

2. Kótsikueecha úatiksĩ imani ampe ka imeecha sési jarhani tumina jinkoni. Ka exenhatiksĩ imeeri jurhimpikueecha ka uétarhikua ampe imeecha tata k'ériicha, uarhiitiicha, tatakeecha, tataka sapichuicha, ka imeecha p'urhepecheecha énkaksĩ p'amenchajka.

22 Juramukua uaxastakata

1. Exenhatiksĩ imeeri jurhimpikueecha ka uétarhikua ampe imeecha tata k'ériicha, uarhiitiicha, tatakeecha, tataka sapichuicha, ka imeecha p'urhepecheecha énkaksĩ p'amenchajka intsínhani jauakaksĩ ini Eiankperakuani.

2. Kótsikueecha ka ireta p'urhepecheecha úatiksĩ imani ampe parakaksĩ uarhiiti ka tataka sapirhati p'urhepecheecha intsínhani ka kuájpikua ka no sési ampe ma nóksĩ kánhani ka no exenchani.

23 Juramukua uaxastakata

Ireta p'urhepecheecha jurhimpikua jatsistiksĩ ka mak'u ka jirinhant'ani imeeri k'uiripikua jurhimpikuarhu. Ka ireta p'urhepecheecha jurhimpikua jatsistiksĩ ka jámani ka úni ka k'amarhukuni imani káskukuani inteeri sési p'ikuarherakua irekuarhu ka mátaru káskukueecha tumineeri imeeri k'uiripuri ampe ka énkaksĩ úaka imeecha juramuni jima káskukuarhu imeeri juramukua jimpo.

24 Juramukua uaxastakata

1. Ireta p'urhepecheecha jurhimpikua jatsistiksĩ imani sĭpiata ióntkiti anapuni ka p'intekueechani ka úatiksĩ úni ampakerant'ani, ka iámintu kuáni imani ch'kúrhi sĭpiatani, ka iámintu inte ampe k'uiripitarakua. K'uiripu p'urhepecheecha jurhimpikua jatsistiksĩ ka sésikua intsínhanksĩ ka no ne ma no sési exeni iámintu ampe sési jákua k'uiripuri ka sési p'ikuarherakua.

2. K'uiripu p'urhepecheecha jurhimpikua jatsistiksĩ ka intsínhani mak'u éska mátaruicha sésikua jákua ka eratsikua. Kótsikueecha úatiksĩ imani ampe énka uétarhijka ka imeecha méntk'u ísi intsínhani imeecheeri jurhimpikua.

25 Juramukua uaxastakata

Ireta p'urhepecheecha jurhimpikua jatsistiksĩ ka jatsikurhini ka uinhaperani imeecheeri káskukuani echeriicheeri ampe, itsĩ ampe, itsĩ k'érikuarhu anapu ampe ka iámintu ampe énka jima jaka énka imeecheeri jimpo jaka ka exeni éska inte iámintu imeecheeri úkua énka iáasi jurhajka.

26 Juramukua uaxastakata

1. Ireta p'urhepecheecha jurhimpikua jatsistiksĩ echeriichani, ka imani ampe énka jima jukajka énka ióni isĩ jatsikurhijkaksĩ, ka jakaksĩ ánychitajkaksĩ o pitsikurhiekaksĩ.
2. Ireta p'urhepecheecha jurhimpikua jatsistiksĩ ka jatsikurhini ka k'uiriperani ka juramukuani echeriichani, ka imani ampe énkaksĩ jukajka imani énka imeecheeri ka ióntki isĩ o nanimaka na imeecha pitsikurhijka.
3. Kótsikueecha mítint'aatiksĩ ka kuájpiauatiksĩ juramukua jinkoni imeechani echeriichani, ka iámintu ampe énka jima jaka. Inte mítintskua janhanharhiati imeecheeri p'intekueechani ka inte echeri kánkueecha ireta p'urhepecheecheeri ka nanimaka jinte jauaka.

27 Juramukua uaxastakata

Kótsikueecha úatiksĩ ka íntspiatiksĩ mak'ucheeri k'éri ireta p'urhepecheechani jinkoni, mák'u ka táchani ka iámintu eiankuani, énkaksĩ mítinhant'aaka sési juramukueecha, p'intekueecha, úkueecha, ka inte echeri kánkurhikua ireta p'urhepecheecheeri, ka mítint'ani, ka arhuneani inteechani jurhimpikueechani inte ireta p'urhepecheecha inte echeriicheeri ampe ka iámintu ampe énka ima jukajka, iámintu ampe énka ióni isĩ imeecheeriijka ka ánychitani. Ireta p'urhepecheecha jurhimpikua jatsistiksĩ jarhoatpini íni úkua ampeni.

28 Juramukua uaxastakata

1. Ireta p'urhepecheecha jurhimpikua jatsistiksĩ ka úminhant'anksĩ imani jimpo énka úaka tánkurhint'ani ka énka no úaka sési níamunhant'ani mák'u éska mátaruicha echeriicheeri ka ampe ma ka jima jukajka ka ióni isĩ imeecheeriiska jápkaksĩ ka ánychitapaksĩ o énkaksĩ eiankurhini jápka ka amentarhinhani imeecha no uékaparini ka no eiankunhani.
2. Énka inteecha isĩ pakatperaaka méntaru echeri íntskunt'ani ka imani ampe énka ima jukaja mak'uni jási ampe, mák'uni kánikua ka níamunhant'ani ka sési úminhant'ani.

29 Juramukua uaxastakata

1. Ireta p'urhepecheecha jurhimpikua jatsistiksĩ ka jatsikurhini ka iámintu ampe imani ampe énka ima jukajka. Kótsikueecha úatiksĩ imani káskukueechani ka ireta p'urhepecheecha exeuani ka kuájpient'ani ka no ne ma no sési exeuati.
2. Kótsikueecha úatiksĩ imani exekueechani ka no nema amentarhikuni ampe p'erakuauani jima echerirhu ireta p'urhepecheeri ka no arhinhani o eiankunhani.

3. Kótsikueecha úatiksĩ imani énka uétarhiaka ka imeecha káskukueechani sési ampakerant'ani ka ampankunt'ani imeecheeri ireta p'urhepecheechani énka amentarhikua jáxipkaksĩ, únhatiksĩ ka jimini intsínhanksĩ ireteecharhu.

30 Juramukua uaxastakata

1. No p'eranhaatiksĩ jima k'éri juramukua kuáriicha jima echeri p'urhepecheecharhu, jimajkank'u ékaksĩ p'eranhani énka uétarhiaka ka inteecha ireta pakatperanksĩ inte ireta p'urhepecheechani jinkoni, o énka inte p'urhepecheecha kurhakurhiaka.

2. Kótsikueecha kurhamarhiauatiksĩ ireta p'urhepecheechani ka ísĩ úani inteecheeri juramukueechani ka juramutiichani ka inteecha ma k'éri juramukua kuáriicha ka úani.

31 Juramukua uaxastakata

1. Ireta p'urhepecheecha jurhimpikua jatsistiksĩ ka kánkurhini, juramukua kuájpini ka k'uiriperani imeecheeri mimíxikua, ka imeecheeri mítikua p'intekueeri, ka uantakueecheeri mimíxikuarhu úkua ampe ka imeecheeri xarhatakua ampe ima eratsikueecha, jimpanhi ampe ka mimíxikueecha mítikata k'uiripuiri ampe ka xixintskua ampe, kuájpikua sīpiata, ka mítikua ima ampe imeeri p'unquari manakurhi ka xuxurhi ampe ka p'intekua uantakua ka karakata ampe, kuirhutsikata ampe ka ch'anakua ampe ka iontkiti anapu ch'anakua sési xarharakueecha ka sési uantantskua. Ka jurhimpikua jatsistiksĩ ka kánkurhini juramukua kuájpini ka k'uiriperani inteni ampe k'uiripuiri mimíxikueechani, ka inteecheeri mítikua ampe p'intekua ka inte mimíxikueeri ampe uantakua ka p'intekua.

2. Máku jásĩ inte ireta p'urhepecheechani jinkoni kótsikueecha úatiksĩ imani ampe ka mítint'ani kuáni ka kuájpiani énka inteecha jurhimpikua intsínhaka.

32 Juramukua uaxastakata

1. Ireta p'urhepecheecha jurhimpikua jatsistiksĩ ka mák'u úatiksĩ imani ampe ka k'uiripuicheeri o echeriichani ánychitani úaka imani ampe énka jima jukajka.

2. Kótsikueecha kurhamarhiauatĩ imeechani ka jarhoatauatĩ sési jimpo ireta p'urhepecheechani jinkoni ka jima jorhenhatiichani jinkoni ékaksĩ sésikua intsínhajka inte káskukueeri ampe énka jimini inteecheeri únhajka ka iámintu ampe énka jimini jújka, méntku ísĩ imani k'uiripikuarhu ampe ka ánychitakua ampe o p'itakua ima ampe énka jima jukajka ka mátaru ampe.

3. Kótsikueecha úatiksĩ imani ampe ka mák'uni úkunt'auani ka mák'uni imeecheeri úkua ampe ka úatiksĩ imani ampe énka inte ampetarhikua jurajkujka jimini ampe máru, tuminarhu, k'uiripuicheeri, mimíxikuarhu o jakankukuarhu.

33 Juramukua uaxastakata

1. Ireta p'urhepecheecha jurhimpikua jatsistiksĩ ka k'amarhukuni imeua ampe ka imeeri ampe ka imeecha jánkua ampe. Ka úkua ampe ka ma arhinhani énka inteecha uekojka jima anapuni kótsikuarhu.

2. Ireta p'urhepecheecha jurhimpikua jatsistiksĩ k'amankuni ka úani imeecheeri juramukueechan ísĩ éska imeecha mítieka.

34 Juramukua uaxastakata

Ireta p'urhepecheecha jurhimpikua jatsistiksĩ uantant'ani, k'uiriperani ka ísĩ jásĩ imeeri juramutiichani ka imeecheeri úkuani ampe, jakajkukuani ampe, p'intekueechani ampe chúnkumakuani ampe énka íni ampe jauaka úkuani ampe ka juramutarakuani ampe, exenhati jima iámintu k'uiripuiri jurhimpikua iámintu kótsikueecheeri.

35 Juramukua uaxastakata

Ireta p'urhepecheecha jurhimpikua jatsistiksĩ k'amarhukuni ima úkua ampe k'uiripuiri imeecheeri iretani jimpo.

36 Juramukua uaxastakata

1. Ireta p'urhepecheecha énka tsimani kótsikueecharhu arhukuauaka jurhimpikua jatsistiksĩ ka kánkurihni ka k'uiripini mak'u jásĩ sési pájperani ka jarhoatperani, ka jakajkukua ampe ísĩ mimíxikua ampe, tánkurhikuarhu, tumineeri ka k'uiripuiri jima anapuicha ka mátaru ireta anapuichani jinkoni ka jima tsimani kótsikueechani jinkoni.

2. Kótsikueecha, kurhamarhiani ka jarhoatperani ireta p'urhepecheechani jinkoni úati imani ampe ka inteecha sési intsínhani jurhimpikueechani.

37 Juramukua uaxastakata

1. Ireta p'urhepecheecha jurhimpikua jatsistiksĩ énka ima pakarakata ka mátaru pakarakateecha énka ima kótsikueecha mítint'aakaksĩ o imeecha énkaksĩ mítikateuaka ka exenhanksĩ ka jarhoanhani énka inte kótsikueecha íntspiakaksĩ ka janhanharhiani inteechani pakarakateechani, ka iámintu pakarakata úkateecha.

2. No ma inteecha uantakateecha ka pakarakateecha méntaruni arhinhaatiksĩ arhinhant'astiksĩ o móntakunhant'ani inte jurhimpikua ireta p'urhepecheeri énkaksĩ pakarakateecharhu, pakatperakueecharhu ka máteru úkateecharhu jaka.

38 Juramukua uaxastakata

Kótsikueecha kurhankurhiati ka jarhoaperani ireta p'urhepecheechani jinkoni úatiksĩ imani ampe énka imani pakarakateecha ixu úaka ka éska inteecha sési eiankperanhaka.

39 Juramukua uaxastakata

Ireta p'urhepecheecha jurhimpikua jatsistiksĩ jorhenhant'ani ka arhistaminhani kótsikuarhu anapu ampe ka jorhentperakua k'éri kótsikuarhu ka sési jákua jurhimpikua karakateecharhu ixu Eiankperakuarhu.

40 Juramukua uaxastakata

Ireta p'urhepecheecha jurhimpikua jatsistiksĩ mák'u jási úkua ampe ka sési pakarakua ka sési terukunt'ani kótsikueechani jinkoni ka mátaru ampe eratsini ka sési terukutant'ani ka ísi meiap'ant'ani imani no sési úkua ampe jurhimpikua k'uiripuicheeri ma ka iámintu k'uiripuri. Íchani eratsikueechani exestiksĩ sési imeecheeri p'intekueechani, úkueecha, sési úkua juramuti ireta p'urhepecheecheeri ka sési úkua k'éri kótsikua jurhimpikua k'uiripuicheeri.

41 Juramukua uaxastakata

Tánkurhinani jorhenatiicha íni juramukuani k'éri kótsikua ka mátaru jorhenatiicha jarhoatperaati inte sési úkua ampe íni ísi Eiankperakua ampe íni xanhatatarakua, mámaru ampe, jarhoatperakua tumina jimpo ka jorhentanani. Ka arhistaminhani únhaati ampe ma parakaksĩ imeecha úaka jarhoatpini ima ireta p'urhepecheecha imani ampe énka imeecheeri ampeeja.

42 Juramukua uaxastakata

K'éri kótsikueecha, imeecheeri juramutarakua imat'u ísi énka mentk'u arhipini jaka p'urhepecheeri ampe, ka juramukua imeecheeri ampe úkua ka jimak'u, ísi éska kótsikueecha, uantant'ani janhanharhikua ka iámintu íntsperakua énka ixu karakata jaka Eiankperatarhu ka méntk'u exeni jauati énka íntsperanhajka íni Eiankperakuani.

43 juramukua uaxastakata

Jurhimpikueecha mítikateecha ixu Eiankperakuarhu mák'u jási sési úni iámintu ampe ka sési irekurhini, janhanharhikueecha ka sési jákua ireta p'urhepecheecheeri ixu parhakpini.

44 Juramukua uaxastakata

Iámintu jurhimpikueecha ka jánkurhikueecha mítikateecha ixu Eiankperakuarhu mák'uni intsínhani achaati ka uarhiiti p'urhepecheechani.

45 Juramukua uaxastakata

No ma inteecha uantakateecha ka pakarakateecha méntaruni arhinhaatiksi arhinant'astiksĩ o móntakunhant'ani íchani jurhimpikueechani énka ireta p'urhepecheecheeri jatsikurhijkaksĩ ka énkaksĩ tátsikua intsínhaakaksĩ.

46 Juramukua uaxastakata

1. No ma ampe éнка ixu karakata jaka Eiankperakuarhu uantanhant'aati namaka kótsikua uékaaka, ireta, kúnkurhikua ka iámintu k'uiripuicha nóksí úati méntaruni uantani éнка ixu karakata jaka íni k'éri kótsikuani, ka nóksí méntaruni kurhankuati éska uékaaka inteni ampe no sési úni ka no exenchani iámintu ka sánitu mák'u jásí echeriiri ka kúnkurhikueeri mák'u kótsikueecharhu ka mátaruicha.

2. Énkaksí íicha jurhimpikueecha íntsperanhani jauakaksí éнка ixu karakata jaka Eiankperakuarhu, janhanharhinhani jurhimpikua k'uiripuicheeri ka iámintu jánkurhikua. Énkaksí ixu jurhimpikueecha íntsperanhani jauakaksí énkaksí ixu karakata jaka Eiankperakuarhu mák'u k'éri jauatiksí éska na uantajka i juramukua ka mátaru ampe pakarakata ka úkua ampe k'éri kótsikueecharhu imeeri jurhimpikua k'uiripuicheri jimpo. Inteecha sánitu ampe no méni exenhatiksí ka inteecha sési exenhatiksí éнка uétarhiaka ka mítinhant'aaka janhanharhinhani jurhimpikueecheeri ka iámintu jánkurhikuarhu ka sési pakarani mák'uni íntsperakua ixu k'uiripu iámintu ampe.

3. Íni ampe éнка ixu arhijka íni Eiankperakuarhu inte sési uantanhant'aati uénakua juramukuarhu, iámintuicheeri, ka janhanharhikua inte jurhimpikua k'uiripuicheeri, mák'u ampe, ka no sési exejperakua, sési úni ampe iámintu k'uiripuri ka sési jakajkukua jimpo.